

# ORATIO FVNEBRIS

HABITA IN ECCLESIA

Cathedrali Christi Oxon

in Obitum viri omni ævo dig-

nissimi G V L I E L M I

GOODVIN *istius*

*Ecclesie Decani, S.*

Theol. Doctoris.

A THO. GOFFE *Artium Ma-*  
*gistro ex Ade Christi.*

Editio Secunda.



OXONIÆ,

Excudebant IOHANNES LICHFIELD, &  
IACOBVS SHORT. 1620. c

227



# AD LECTOREM.



Beunt semper, Lector, ac recedunt à morientibus voces illa, quas aut adulatio, aut ancillantis facundia necessitas exprimit: abeat ita, & à schedula hac, (quâ venerabile nomen implicatur) ingeniosa malignitas, ne non

tam chartam lacerare meam, quàm in dormientis manes se vire putetur, & tanti nominis umbra cessante Fato, ingemat, ---

--- Tumulo quoq; sensimus hostem

Non mea, sed defuncti consului fama, ne totus moriatur, quem, tanti erit bonis, vivere vel sic, & hoc sanè non possum non mihi met ipsi (absit invidia verbo) gratulari, imò & maturior aetas & secunda pueritia,

Hunc ego si possim tantum sperare dolorē honesta tumeat superbia, tyrocinium meum, bonum illum Decanum, primā, quā tunc temporis potui, solennitate, in Aede Christi, salutasse, & ultimū valedicendi munus pro virili administrasse:



In peiorem, si quis officium hoc, rapiat, partem  
 quis, in utili ambitioni hoc censeat tribuendum,  
 at ortivam me hanc & immaturam prolem in lu-  
 cem emisisse, hoc crimen sic à me amotum esse volo,  
 hoc sciat velim, GOODWINUM me vidisse mo-  
 rientem, contenta erit oratio mea, suâ lingua, id est  
 funebri.

. T. G.





ST verè fortunatus ille,  
cujus ex interitu, non  
minor penè ad omnes,  
quàm ad suos venturus  
est, dolor pervenerit. Vi-  
deo (Academici) video  
officiosam istam nescio  
quam ambitionem, lu-

gendum hoc spectaculum vel adhuc ita comi-  
tari vt vnusquisq; luctibus & lacrymis suis cre-  
dat accedere quandam dignitatem, si miserrimus  
esse videatur. Neq; tamen leuius hoc do-  
lentis zeli certamen, & pietatis huius nostræ li-  
tem minùs nobilem iudicetis, quod frequenti  
verborum singultu, foelicem vmbra[m] fortuna-  
tamq; favillam prosequuti sumus;

*Est aliquid fatale malum per verba levare.*

Nec adhuc iterato venerandi illius nominis  
murmure, purgatæ vestræ aures satientur, quæ  
perennem sæpius pietatis vbertatem ex illius  
ore dimanantem imbiberunt. Nec miseria-  
rum cumulo hoc etiam mortalitati nostræ no-  
vercalis addidit Natura, vt in eosdem homines  
semper convenirent calamitas & silentium. E-  
nimvero si ad calculum ponatur hæc jactura;

eredetis pij nos officij memoriam impia taciturnitate corrumpere, dum imminenti penè ruina corruamus omnes, clademq; talem paucorum tantùm lacrymis decorari patiamur. Quod sanè paulò mecum altius mihi meditati, nescio quis amabilis adblanditur error *Goodwinum* nos nondum amisisse nostrum; in *Musæo* se fortè ad tempus more suo abdidit, vbi numerosa patrum volumina perscrutatur, vbi divinis sanctioris paginæ mystetijs extra se arripitur; hîc cum *Augustino* suo, & verè suo familiares confert sermones, ibi aurea *Chrysostomi* evolvit folia, *Bernhardum* mira florum varietate vestitum deosculatur, aut de contextus origine *Hieronymum* est consulturus, vel fortè dum diu moratur nimis, inextricabili *scholasticorum* labyrintho coarctatur, totamq; vno haustu devoraret Theologiam, sacer librorum helluo; hæc nimirum ipsum tenere solent negotia, hæc vora ipsius meditationum; Et quid sibi aliud vult iste apparatus? Quid pullatis vestibus induta rostra? Quid frequens iste Academicorum concursus? Expectant credo *Decanum* nostrum exequiæ *Henrici Principis*, vel *Anne Reginae*, expectant illum funera *Bodleiana*, expectant iuxta *Spenseri*, *Singletoni*, *Ayrj*, quorum novissimas solennitates ab ipso solummodo celebratas ipsi novistis Academici. Et tandem, cum per præcepta sua toties effusa longum



*Funeris.*

gum iter ad æternitatem nos non vidit suscep-  
turos, brevius fecit per exemplum *semetipsum*.  
En homo quemadmodum jacet! en ille in cu-  
nabulis generosus, in tyrocinio (quod non in  
minimo laudis genere ponendum est) regius  
*Westmonasteriensis* alumnus, *Sacratissimæ Eli-  
zæ*, & serenissimo *Iacobo à sacris, Ædis Christi  
Decanus, Academia Oxoniensis* per quatuor an-  
norum curricula *Vice-Cancellarius*,

--- *hic tumulus illi est*: Non sustineo  
in tanto anigni impetu argumenta conquire-  
re, nec cadit in formulam publicus dolor fe-  
renda est ut in cæteris hæc quoq; rerum natu-  
ræ iniuria, quòd tantis meritis paria verba non  
accommodavit. Suggestat, alma suggestat ma-  
ter *Academia*, quam in secretas vniuscujusq; a-  
stantium aures audio insusurrantem, fuisse  
eum hominem virtuti simillimum qui invita-  
vit omnes ad optima quæq; clementia, & blan-  
dissimè jussit benignitate, qui non imperium  
credidit gravius aut stabilius vi quod fit, quam  
quod amicitia jungitur, qui patrium putavit  
potius consuefacere filios, sua sponte recta fa-  
cere, quàm alieno metu, qui tamen mira qua-  
dam naturæ varietate, confusoq; virtutum  
temperamento, idem aliquando fuit in pessimè  
merentes homunciones ferocissimus

*Sed doluit quoties debuit esse ferox.*

In bonos non mitissimus tantum, sed & benignis-  
simus

nissimus, qui benignitatem quotidie benignitate cumulavit, & quasi præterita cito fuissent oblitterata, si desisset, non putavit se unquam benè fecisse nisi iterum benefaceret. Ista, ista, nunc desiderantur incrementa quæ ex hisce rostris ipsius sæpius dictante ore effluerunt: à quibus cum abfuerit, impotentem, imbellem senem exhaustas vires, exangues venas, deficientes spiritus, languentes nervos, anhelantes periodos non sine languore quodam, aspicere potuimus, eundem in rostris fulminantem, dominantem, imperantem, persuadentem, quasi nova donatum anima, novo infusum vigore admirati sumus, omnem repellentem morbi violentiam, venientem nubibus SALVATOREM ambrabus vlnis amplexantem,

*Credibile est illum sic voluisse mori.*

In rostris mihi credere semper fuit, dum fuit in lectulo, nec antea ex illis quam è vita decessit. Qualem tandem, qualem, deus bone, animam illius saltasse præcordijs judicemus, quæ ad extremum usque halitum, totas suas vires effudit, totas summa cum fortitudine exercuit: suis omnibus munita præsidijs, rationis, memoriæ, intellectus, sensusque omnis satellitio stipata fuit: nec inutilis telluris moles, nec crassiora corporis pondera flammeum istius vigoris impetum potuerunt extinguere, adeo deficiente omni organo adhuc suas non missas



*Funeris.*

fecit operationes diviniore ἑνταλλάχῃ,

--- Non perdere lathum

*Maxima cura fuit.*

Quod si morientium verba altius solent infidisse altis infideant radicibus infixa morientis illius oracula, mysteria, consilia, à quibus certiores facti sumus quàm omnis nos hora applicat fato per tacitos silentesq; cursus, quàm per exigua festinantis ævi momenta præmorimur. Si cuncta gaudia nostra, si voluptates, & quæcunq; ex hac vniuersitate mundi vel sollicitant aspectu, vel blandiuntur usu, excutiamus, tota vita hominis vnus est dies. Nouit, nouit ille renuntiare rebus humanis, nouit, incusare Deum vel hominem eius esse qui viuere velit. In extremis tandem vehementi charissimæ conjugis fletu, & liberorum gemitu è placido sopore evocatus verbum tantum vnum addidit, *Veni Domine Iesu, veni cito:* Sic non reddita fuit illi vita, sed tempus, & ipsa cupiditas ratioque moriendi hoc ipso quo impedita fuit, accreuit: sic solus vixit quoad voluit, dum mori semper maluit. Quod si humanæ vitæ conditionem præcipuè vltimus dies continet, ipsum revoce in memoriam diem. Sanctæ & indiuiduæ Trinitatis memoria celebrem, istius etiam fato paulo celebriorem, & ne tenebras penè Cymmerias horreamus dum tantum vidimus lumen extinctum, ipsa dies paulo sese altius ultra

B

præ-

præcedentium, ultra sequentium protraxerat  
lineam

*Hac fuimus minima contenti nocte Britanni,  
& extensam cœli lucem, luce nostra compen-  
sauimus,*

*Resq; domi gesta, properataq; gloria rerum*

*In sydus vertere novum, stellamq; comantem.*

Antequam nostræ valedixisset societati, cum  
Deo familiaritatem iniit, priusquam mortali-  
tatem exuisset, immortalis evasit, & citius sa-  
cros Angelorum hymnos in cœlesti choro de-  
cantare cepit, quàm sermoni inter homines  
periodum imposuisset;

*---quem nunc statione peracta*

*Astrag; scandentem praelati regia celi*

*Accepit gaudente polo---*

Exultes tandem pientissima mater *Ædes*  
*Christi*, insolito triumphes gaudio. Fuit, fuit  
quondam fateor tua omnium ore iactata sa-  
licitas, feracem te Præsulum esse nutricem, te  
semper tuos ante hac Decanos, in Præsules, &  
veneranda Ecclesiæ columnina enutrire,

*Hac domus quæ calites recepit, & quæ fecit;*

*Et fas sit loqui, fortassis etiam faciet,* alios in  
Episcopatus, *GOODWINUM* prius in cœlos  
transtulit, & ad illud dignitatis extulit fastigium  
quod nec nutu regum, nec morum varietate,  
nec temporis vicissitudine, nec vlllo mortalita-  
tis fato afficitur. Nec hic *Decanus* diutius viue-



*Funebris*

re voluit, qui ibi semper se victurum pro certo habuit. Qui cum hic fuerit *Bonus Aedis Christi Decanus*, & hoc cognomine bene notus, *Bonus Aedis Christi Decanus*: Optimus semper sic fuit, sed non maximus, ergo in conspectum solius *Opt. Max.* se contulit; ad cuius devolutum genua illum videre videor indefessa effundentem vota, ut nobis tandem alter ipsius clementiae, bonitatis, mansuetudinis, religionis accedat successor. Nobile enim *Decanorum* Par, *Reverendissimum Londinensem Episcopum* adhuc superstitem, & nuperrimum *GOODWINUM* aetas nostra vidit, ut alium vix feramus nisi optimum; adeo facilius credendum erit, ut esse aliquis ipsorum successor esse possit, quam ut velit. Sed nondum ingrata nominum perturbatione soles orientes adorabimus; omnes vivendi subtilitates deponat necesse est, qui te vidit morientem, quem non mihi tantum, sed vobis ejusdem aetatis & conditionis, Academici, ingens propono spectaculum, & vobis purpurata (prae aetatis maturitate saltem fato vicinioribus) *Doctorum* cohors, & tibi tantae *Cathedra Moderator*, qui cum omnes enodaveris disputationum laqueos magnum moriendi studium à moriente *Socero* non erubescas didicisse. Mortuum hunc *Decanum* omni propagandum saeculo, nulla obruendum vetustate propono grande moriendi exemplum: Inver-

tanus

*Dr. Prideaux*  
Regium in  
Theologia  
Professorem,  
& Vicecancel-  
larium Acade-  
miae.



## Oratio

tamus illud Philosophi, optimum est non nasci  
proximum citò mori; bonum fatemur est nunc  
nasci, optimum sic mori. Et tacitos nescio  
quos susurros ab vniuscujusq; ore audio ob-  
murmurantes,

*Cum mihi supremos Lachesis perneuerit annos  
Non aliter cineres mando iacere meos.*

FINIS.

